



REPUBLIKA E SHQIPËRISË

**PROKURORIA PRANË GJYKATËS SË SHKALLËS SË PARË
P U K Ë**

**RAPORTI VJETOR I DREJTUESIT TË
PROKURORISË PRANË GJYKATËS SË
SHKALLËS SË PARË PUKË MBI ECURINË E
PUNËS NË PROKURORI
PER VITIN 2019**



Pukë, shkurt 2020



REPUBLIKA E SHQIPËRISË

PROKURORIA PRANË GJYKATËS SË SHKALLËS SË PARË P U K Ë

RAPORTI VJETOR I DREJTUESIT TË PROKURORISË PRANË GJYKATËS SË SHKALLËS SË PARË PUKË MBI ECURINË E PUNËS NË PROKURORI PER VITIN 2019

DREJTUAR

PROKURORIT TË PËRGJITHSHËM
Z. Olsian ÇELA

T I R A N Ë

I nderuar Z. Prokuror i Përgjithshëm!

Në këtë raport synojmë të prezantojmë të dhënat dhe treguesit e ecures së veprimtarisë së Prokurorisë pranë Gjykatës së Shkallës së Parë Pukë për vitin 2019.

Ky raport përmban të dhëna që i referohen veprimtarisë së Prokurorisë në fazën e hetimit paraprak, në fazën e gjyimit, në fazën e ekzekutimit të vendimeve penale, të bashkëpunimit ndërkombëtar si edhe zbatimit të detyrimeve të tjera ligjore të normuara në ligjin procedural penal, në ligje të tjera apo akte nënligjore.

Metodologjia e këtij raporti, në përputhje edhe me raportet e viteve paraardhëse, konsiston në mbledhjen e të dhënave statistikore të punës së prokurorëve dhe oficerëve të policisë gjyqësore, në sintezën e këtij informacioni dhe analizën e aspekteve të veçanta në veprimtarinë dhe administrimin e Prokurorisë. Raporti është i organizuar i tillë që të jetë në përputhje me standardet e përcaktuara në urdhrin nr. 330, datë 29.12.2016 të Prokurorit të Përgjithshëm “*Për përmbajtjen e raportit vjetor të Drejtuesit të Prokurorisë*”.

I. Drejtimet dhe përparësitë në luftën kundër kriminalitetit në vitin 2019

➤ Respektimi i të drejtave të njeriut

Në kuadër të garantimit dhe respektimit të të drejtave të njeriut, vlerësoj se prokurorët dhe oficerët e policisë gjyqësore të seksionit të Prokurorisë kanë mbajtur vazhdimisht në konsideratë gjatë punës së tyre respektimin e të drejtave të njeriut.

Përpos përparësive në luftën ndaj kriminalitetit, siç janë hetimi i disa veprave penale, për të cilat ka një shqetësim në shkallë të gjerë në mbarë opinionin publik, por edhe në atë social, kulturor, juridik, ekonomik etj, si *shpërdorimi i detyrës, falsifikimi etj*, nga prokurorët është mbajtur në konsideratë respektimi i të drejtave themelore dhe parimeve kushtetuese si e drejta për informim, parimi i prezumimit të pafajësisë, parimi i barazisë para ligjit, mosdiskriminimi, e drejta për të respektuar jetën private dhe familjare, e drejta e konfidencialitetit të të dhënave personale që mund të përftohen gjatë procesit hetimor, mosmarrja e të dhënave me anë të dhunës, trajtimi i diferencuar i grave dhe të miturve, e drejta për t'u njohur me akuzën, me shkaqet e arrestimit apo ndalimit dhe konfirmimi në gjykatë i ligjshmërisë së kryerjes së këtyre veprimeve etj. Nga ana e drejtuesit të Prokurorisë dhe prokurorëve janë bërë përpjekje që të njëjtat parime të udhëheqin punën edhe të oficerëve të policisë gjyqësore të komisarariatit të policisë Pukë.

➤ *Të miturit dhe grupet vulnerabël, të pandehur dhe viktimat*

Përgjatë vitit 2019, vlerësoj se Prokurorët kanë mbajtur në konsideratë të drejtat e këtyre grupeve të veçanta shoqërore, si të miturit dhe gratë, si në rastin kur mund të kenë pasur cilësinë e të pandehurit/personit nën hetim, ashtu edhe nëse kanë qenë viktimat të ndonjë vepre penale. Edhe për këtë vit, nga statistikat rezulton se të pandehur të mitur nuk kemi patur asnjë rast, e megjithatë policia gjyqësore është orientuar që për çdo rast të mundur të procedohet në përputhje me *"Kodin e Drejtësisë Penale për të Mitur"*, duke u treguar të kujdesshëm me masat kufizuese të lirisë, që ato të jenë në përputhje me direktivat që përmban ky kod, që në veprime procedurale me të miturin, të garantohet asistencë detyruesisht e mbrojtësit, psikologut, familjarit, si edhe në marrjen e masave për njoftimin e organeve vendore që kanë si kompetencë të tyre trajtimin social të të miturve. Sa i përket të miturve viktimat apo deklarues, sërish nga ana e prokurorëve është orientuar që veprimet procedurale me këta shtetas të kryhen në praninë e psikologut dhe nëse ka qenë rasti, edhe të prindërve. Me të njëjtën rëndësi dhe vëmendje janë trajtuar rastet e grave, veçanërisht ato që janë viktimat të një vepre penale. Megjithatë, në rastet e femrave dhe grave, aktualisht paraqitet problematike mungesa e oficerëve femra të policisë gjyqësore, të cilat janë të domosdoshme në rastet kur kodi i procedurës penale përcakton se viktimat e dhunës seksuale ose ato të trafikimit mund/duhet të pyetet nga një oficer i së njëjtës gjini.

Përpos këtyre kategorive, nga ana e prokurorëve dhe oficerëve të policisë gjyqësore një vëmendje e veçantë u është kushtuar të moshuarve, personave me dëmtime fizike (*të pandehur ose viktimat*), si edhe viktimave të dhunës në familje. Kjo vëmendje ka konsistuar në kryerjen e veprimeve hetimore të shpejta, të gjithanshme dhe dinamike, si edhe mbajtjen në konsideratë të një politike të drejtë dënimesh në rastet e këtyre të pandehurve.

➤ *Bashkëpunimi ndërinstitutional*

Gjatë vitit 2019 janë mbajtur raporte korrekte me institucione të tjera, në zbatim të ligjit procedural, ligjeve që rregullojnë veprimtarinë e organeve përkatëse dhe atij organik për

organizimin dhe funksionimin e prokurorisë në Republikën e Shqipërisë. Në këto marrëdhënie rolin kryesor e zënë ato që lidhen me:

- ❖ Prokurorinë e Përgjithshme dhe me Këshillin e Lartë të Prokurorisë
- ❖ Strukturat e policisë së shtetit dhe institucionet e tjera që kanë shërbime të policisë gjyqësore, për bashkëpunimin që lidhet me fazën e hetimit paraprak të procedimeve,
- ❖ Me Gjykatën e Rrethit Gjyqësor Pukë, për fazën që lidhet me përfaqësimin e akuzës në gjykim, me paraqitjet në seancat paraprake si në rastet e kërkesave për pushim, ashtu edhe në ato për gjykim
- ❖ Me Prokurorinë dhe Gjykatën e Apelit Shkodër, për fazën që lidhet me përfaqësimin e akuzës në çështjet e ankimuar, me njoftimin e vendimeve apo akteve të cilat kanë ekzekutim të menjëhershëm.
- ❖ Me institucione të tjera në nivel qendror dhe lokal.

Gjatë gjithë vitit 2019, ka patur një marrëdhënie shumë të ngushtë bashkëpunimi me të gjitha drejtoritë dhe sektorët e Prokurorisë së Përgjithshme dhe me Këshillin e Lartë të Prokurorisë.

Gjatë vitit 2019, përveç respektimit me rigorozitet të detyrimeve ligjore dhe në funksion të rritjes së cilësisë së hetimit paraprak, është synuar edhe krijimi i një raporti të ngushtë bashkëpunimi me të gjitha strukturat e policisë së shtetit që veprojnë në qarkun Shkodër, si Drejtoria e Policisë së Qarkut dhe Komisariatet e Policisë të rrethit Pukë, si dhe strukturat e policisë rrugore. Rritjes së bashkëpunimit i ka shërbyer edhe institucionalizimi i takimeve të përbashkëta periodike ndërmjet drejtuesit të kësaj Prokurorie dhe drejtuesve të efektivave policore që disponojnë shërbimet e policisë gjyqësore. Megjithatë, në tërësi vlerësoj se ende ka nevojë që bashkëpunimi me strukturat e policisë të përmirësohet dhe institucionalizohet, pasi ky bashkëpunim kondicionohet edhe nga lëvizjet e shpeshta strukturore dhe transferimet e strukturave vendore të Policisë, kualifikimet e tyre në fushën e legjislacionit procedural penal, faktit që janë në varësi të Ministrisë së Punëve të Brendshme etj.

Lidhur me raportet e Prokurorisë me Gjykatën e Rrethit Gjyqësor Pukë, vlerësoj se kanë qenë korrekte dhe ligjore, si në kërkesat që lidhen me fazën e hetimit paraprak, ashtu dhe atë të seancave paraprake, të gjykimit të procedimeve dhe përfaqësimit të akuzës në gjyq. Prokurorëve u është kërkuar respektimi me korrektesë i pjesëmarrjes së tyre në gjykim, çka realisht është përmbushur në mënyrë konkrete.

Gjatë vitit 2019 ka vijuar komunikimi dhe bashkëpunimi i vazhdueshëm me Prokurorinë e Apelit Shkodër, në funksion të përfaqësimit sa më cilësor të akuzës në çështjet e ankimuar dhe me njoftimin e vendimeve apo akteve të cilat kanë ekzekutim të menjëhershëm, apo ato akte të cilat kanë karakter ngutshëm.

Nga ana e Prokurorisë Pukë është treguar gatishmëri e plotë për të bashkëpunuar edhe me institucione të tjera si Prefekti i Qarkut Shkodër, Bashkitë Pukë e Fush - Arrëzi, në aktivitete që i shërbejnë parandalimit të përhapjes së veprave penale, sikurse janë ato në fushën e ndërtimeve pa leje, kultivimit të lëndëve narkotike, dhunës në familje, etj. Përgjithësisht, raportet me institucionet e tjera qendrore e vendore kanë qenë korrekte dhe institucionale.

Lidhur me bashkëpunimin me institucione të tjera të pavarura si ILDKPKI, KLSH, Avokati i Popullit etj, konstatohet se është paraqitur gjatë vitit 2019 dy kallëzim penal nga KLSH-ja ndaj Bashkisë Pukë e Fush - Arrëzi për veprën penale të “Shpërdorimit të detyrës”, kallëzime për të cilin është regjistruar procedimi përkatës penal dhe çështja është në hetim.

➤ Bashkëpunimi ndërkombëtar

Me qëllim bashkëpunimin e efektshëm në ushtrimin e ndjekjes penale apo marrjen e masave dhe kryerjen e veprimeve të ndryshme procedurale, lidhur me veprat penale që kanë kryer shtetasit shqiptarë jashtë shtetit, apo shtetasit e huaj në rrethin e Pukës, nga ana e Prokurorisë Pukë janë mbajtur kontakte të vazhdueshme me Prokurorinë e Përgjithshme dhe Ministrinë e Drejtësisë, si dy organet kompetente që mundësojnë ndërmjetësimin e bashkëpunimit me autoritetet e huaja.

➤ Përdorimi i metodave speciale të hetimit dhe hetimet proaktive

Nga ana e prokurorëve të Prokurorisë Pukë, në varësi të natyrës së veprës penale, janë zhvilluar hetime proaktive, disa prej të cilave kanë rezultuar të suksesshme. Kryesisht, janë zhvilluar hetime proaktive për hetimin e veprave penale në fushën e narkotikëve, duke përdorur kryesisht metodat hetimore të përgjimit telefonik dhe vëzhgimit ambiental.

➤ Informacion mbi zbatimin e Udhëzimeve të Përgjithshme të Prokurorit të Përgjithshëm

Me qëllim zbatimin e udhëzimeve të përgjithshme të Prokurorit të Përgjithshëm, nga ana e Drejtësisë të Prokurorisë Pukë janë hartuar, përveç masave konkrete të marra për zbatimin e tyre, si mbledhja e prokurorëve dhe diskutimi tyre, udhëzimet dhe urdhrat e mëposhtëm:

- **UDHËZIM nr.8 datë 31.10.2019 “Për funksionimin e procesit të plotësimit të regjistrimit për pasyqrimin e të dhënave për veprën penale të parashikuar nga neni 287 i Kodit Penal”**, i nxjerrë në bazë të neneve 41, 42 shkronja “a”, 44/1 të ligjit nr.97, datë 06.10.2016, “Për organizimin dhe funksionimin e Prokurorisë së Republikës së Shqipërisë”, nenit 23 të ligjit nr.96/2016, “Për statusin e Gjyqtarëve dhe Prokurorëve në Republikën e Shqipërisë”, si dhe Qarkores së Prokurorit të Përgjithshëm “Për rritjen e efektivitetit në luftën ndaj pastrimit të parave dhe financimit të terrorizmit” dërguar me shkresën nr.2843 prot., datë 25.10.2019
- **URDHËR nr. 4, datë 03.06.2019 “Për emërimin e personit të kontaktit për mbrojtjen e të dhënave personale”**, i nxjerrë në bazë të Ligjit Nr.113/2018 “Për ratifikimin e marrëveshjes për bashkëpunim ndërmjet Republikës së Shqipërisë dhe Eurojust-it”, si dhe të Ligjit Nr.9887/2008, i ndryshuar “Për mbrojtjen e të dhënave personale” dhe Udhëzimit Nr. 47 datë 14.09.2018 të Komisionerit për të Drejtën e Informimit dhe Mbrojtjen e të Dhënave Personale për “Përcaktimin e Rregullave për ruajtjen e Sigurisë së të Dhënave Personale të Përpunuara nga Subjektet Përpunuese të Mëdha”.

- URDHËR nr. 7/1 Datë 02.09.2019 “Për emërimin e koordinatorit të së drejtës së informimit” në mbështetje dhe zbatim të nenit 61 të Ligjit Nr.97/2016 datë 06 Tetor 2016 “Për organizmin dhe funksionimin e Prokurorisë në Republikën e Shqipërisë”, Nenit 10 të Ligjit Nr. 119/2014 datë 18 Shtator 2014 “Për të drejtën e informimit”, si dhe të Udhëzimit të Përgjithshëm nr.05 datë 30.07.2019 të Prokurorit të Përgjithshëm “Për marrëdhëniet me publikun në prokuroritë me juridiksion të përgjithshëm”.

- Informacion mbi zbatimin e Rezolutës së Kuvendit datë 20.06.2019 “Për vlerësimin e veprimtarisë së Prokurorisë

Në kuadër të rezolutës së mësipërme, vlerësoj se një pjesë e konsiderueshme e kërkesave të parashtruara në rezolutën e Kuvendit janë përmbushur nga Prokuroria pranë Gjykatës së Shkallës së Parë Pukë në përputhje me juridiksionin e saj dhe kompetencën lëndore e territoriale. Disa prej kërkesave të rezolutës janë faktikisht rubrika dhe gjetje më vete të këtij raporti siç është:

- kryerja e hetimeve proaktive nëpërmjet metodave speciale të hetimit ,
- forcimi i bashkëpunimit ndërmjet Prokurorisë dhe policisë gjyqësore,
- rritja e bashkëpunimit me organet vendore e qendrore,
- rritja dhe konsolidimi i bashkëpunimit me autoritetet e huaja gjyqësore, bashkëpunim ky që realizohet me ndihmën e Prokurorisë së Përgjithshme dhe Ministrisë së Drejtësisë,
- ashpërsimi i politikës së dënimit në rastet e veprave penale të dhunës në familje, krimet ekonomik e financiar, personave përsëritës etj,
- ndjekja e një politike dënimi më të butë për kategoritë si gratë, personat me aftësi të kufizuar, të moshuarit etj;
- aplikimi i instituteve proceduralë si gjykimi me marrëveshje etj.

Pavarësisht se konstatojmë që veprimtaria e Prokurorisë ka qenë në përputhje me kërkesat e mësipërme, vlerësojmë se ka vend ende për përmirësimin e treguesve të mësipërm, qëllim ky i cili arrihet jo vetëm me punën e Prokurorisë, por edhe me vullnetin e organeve të tjera shtetërore si Kuvendi, organet e pushtetit ekzekutiv, ministritë dhe institucionet të varësi të tyre, institucionet e tjera të pavarura si KLSH, ILDKPKI etj.

- Informacion mbi zbatimin e rekomandimeve prioritare “Për luftën kundër kriminalitetit për vitin 2019”, miratuar me vendimin nr. 296, datë 10.05.2019 të Këshillit të Ministrave

Në kuadër të rekomandimeve të Këshillit të Ministrave për vitin 2019 vlerësoj se jemi përpjekur për përmbushjen e prioriteteve të parashikuara në rekomandimet e Këshillit të Ministrave. Në këto të fundit, ndër prioritetet janë lufta ndaj korrupsionit dhe krimet të organizuar, respektimi i të drejtave të njeriut dhe bashkëpunimi ndërinstitutional.

Lidhur me zbatimin e rekomandimeve në fushën e respektimit të të drejtave të njeriut, nga ana e prokurorëve dhe oficerëve të policisë gjyqësore kryhen vazhdimisht përpjekje për zbatimin

e tyre duke patur gjithnjë në fokus kategoritë vulnerabël që për arsye të ndryshme, bëhen pjesë apo palë të një procesi penal, veçanërisht të miturit, gratë, personat e dhunuar dhe ata me aftësi ndryshe.

Në përputhje me rekomandimet prioritare, janë ashpërsuar kërkesat për aplikimin e masave të sigurimit dhe dënimeve ndaj autorëve të veprave penale të dhunës në familje etj.

Lidhur me veprat penale në fushën e zgjedhjeve, vlerësojmë të theksojmë se në Rrethin Pukë përgjatë fushatës zgjedhore, ditës së zgjedhjeve dhe periudhës post-zgjedhje nuk është konstatuar ndonjë problematikë e veçantë që do të përbënte rast për veprë penale në fushën e zgjedhjeve. Megjithatë, pas përfundimit të zgjedhje është bërë vetëm një kallëzim penal dhe për këtë është vendosur mosfillim i procedimit penal, vendim i cili nuk është ankimuar.

Nisur sa me sipër, vlerësohet se është tejet e nevojshme realizimi i trajnimeve me oficerë të policisë gjyqësore dhe prokurorë me qëllim përmirësimin e zbatimit të Kodit të Drejtësisë Penale për të Mitur.

Lidhur me bashkëpunimin ndërinstitucional, veçanërisht me Policinë e Shtetit, vlerësoj se bashkëpunimi ka qenë korrekt dhe në përputhje me ligjin. Sipas të dhënave statistikore që disponon Prokuroria e Pukë, rreth 94 procedime penale janë hetuar ose hetohen nga shërbimet e policisë gjyqësore të Drejtorisë së Policisë Shkodër dhe Komisariati i Policisë Puke, ndërsa rreth 88 hetime të procedimeve penale kryhen nga oficeri i seksionit të Prokurorisë Puke

Lidhur me institucionet e tjera ligjzbatuese, por edhe me Policinë e Shtetit, përveç bashkëpunimit korrekt institucional ndërmjet tyre dhe Prokurorisë, konstatohet se mungojnë informacionet dhe referimet nga këto organe për veprat penale të korrupsionit, gjë që do të mundësonte dhe trajtimin e përshtatshëm, duke përdorur hetimet proaktive për hetimin e tyre.

Nga verifikimi i kryer rezulton se nuk ka pasur raste për materiale të dërguara nga Prokuroria e Përgjithshme në zbatim të ligjit nr. 138/2015 (dekriminalizimi). Për vitin 2019 rezulton se janë referuar 2 material kallëzues nga KLSH-ja, të cilat janë në hetim, ndërsa nuk ka pasur materiale kallëzuese nga institucione të tjera qendrore.

➤ Informacion statistikor mbi çështjet penale që lidhen me procesin e verifikimit të Integritetit të Personave që Zgjidhen, Emërohen ose Ushtrojnë Funksione Publike

Për vitin 2019, nga ana e Prokurorisë pranë Gjykatës së Shkallës së Parë Pukë nuk ka patur procedime penale të regjistruara që lidhen me procesin e verifikimit të personave që zgjidhen, emërohen ose ushtrojnë funksione publike.

➤ Problematikat e konstatuara

Përgjatë vitit 2019 kemi konstatuar problematikat e mëposhtme, të cilat kanë qenë të njëjtat edhe në periudhat paraardhëse dhe në një kuptim janë akumulim vit pas viti i këtyre problematikave.

- ❖ Problematikat lidhur me ngarkesën e punës, në kuadër të mungesave në organikën e prokurorëve. Nga analiza e statistikave, që do të bëhen prezente në vijim të raportit, rezulton se ngarkesa efektive për prokurorët e Prokurorisë Pukë është 299 materiale hetimore, në ndryshim nga viti paraardhës ku kishte 233 materiale hetimore. Kjo ngarkesë u referohet prokurorëve Elidjana Kasa njekohesisht edhe Drejtuse e Prokurorie dhe Alma Bramo e ka qenë e komanduar për 6/mujorin e dytë të vitit 2019, të cilët kanë përballuar ngarkesën efektive të Prokurorisë Pukë. Plotësimi i organikës do të kishte ndikim të drejtpërdrejtë në zgjidhjen ligjore sa më të shpejtë të çështjeve e kryesisht atyre me ndikim në komunitet. Për vitin 2019 konstatohet një rritje e ngarkesës për prokurorët krahasuar me vitin 2018, çka ka bërë të domosdoshme plotësimin e organikës.


Analiza e treguesve të kriminalitetit dhe punës së prokurorisë

➤ Volumi i punës në hetim

Pranë kësaj Prokurorie, gjatë vitit **2019** janë **regjistruar** gjithsej të reja **137** procedime penale. Në regjistrin përkatës të kësaj Prokurorie, gjatë vitit **2019**, janë regjistruar edhe **49** materiale për të cilat është vendosur mosfillimi i proçedimit penal, ose janë në fazë verifikimi, ndërsa **4** kallëzime penale janë bashkuar procedimeve penale. Nga këto të dhëna të përgjithshme, rezulton se gjatë vitit **2019** (duke përfshirë proçedimet dhe mosfillimet) në Prokurorinë e Rrethit Gjyqësor Puke, janë referuar gjithsej 190 materiale hetimore të reja. Nga viti **2018**, janë mbartur gjithsej procedime penale **49**, me **19** persona të pandehur, prej të cilëve **4** me masë sigurimi arrest në burg. Në vitin **2019**, duke përfshirë tashmë edhe çështjet e mbartura, rifillimet nga pezullimet është ushtruar ndjekja penale në hetimin paraprak për **299** materiale proçedurale penale, nga të cilat **250** proçedime penale.

- ✦ *Krahasuar me vitin 2018, këtë vit konstatohet një ngritje e lehtë e procedimeve penale me afërsisht 50 të tilla dhe e materialeve hetimore për mosfillim me 16 të tilla, pra, gjithsej në vitin 2019 janë referuar afërsisht 59 materiale hetimore më shumë se në vitin 2018. Përgjatë vitit 2019, krahasuar me vitin 2018, konstatohet rritje e numrit të referimeve penale, rrjedhimisht edhe shtimi i ngarkesës efektive të prokurorëve, fakt i cili nxjerr në pah problematikat me ngarkesën dhe organikën e prokurorëve.*

- Grafiku për vitet 2019 dhe 2018



	Procedime	Rifillime	Ardh me tranf	Mosfillime	Materiale total	Te mbartura	Ngarkesa efektive
Viti 2019	137	64	0	49	250	49	299
Viti 2018	135	20	3	33	191	20	211

➤ Cështje të përfaqësuara në gjykatë

Duke përfshirë edhe procedimet e mbartura në gjykim nga vitet e kaluara, gjatë periudhës njëvjeçare prokurorët janë paraqitur për të mbrojtur akuzën në gjykatë për **84** procedime penale, me **92 të pandehur**, nga të cilët **17** janë gjykuar nën masën e sigurimit «**arrest në burg**». Ka përfunduar gjykimi për **24** procedime penale, me **26** të pandehur, prej të cilëve **7** të arrestuar.


➤ Treguesit kryesorë të punës së prokurorisë

- Në vitin **2019**, janë **mosfilluar** gjithsej **49** materiale hetimore penale, si dhe janë mbartur në proces verifikimi për vitin në vazhdim (2020) dhe **3** materiale.
 - Gjatë vitit 2019, janë dërguar kërkesat për pushim gjithsej **113** procedime penale, si dhe janë marrë vendime pushimi nga Prokurorët për **10** procedime penale, nga të cilat: **53** procedime për **mungesë të faktit** penal, **3** procedime për **mungesë të provave** të mjaftueshme, **67** procedime për shkaqe **të tjera procedurale**, ndër më kryesoret e të cilëve heqjet dorë nga të dëmtuarit për veprat penale që ndiqen mbi ankim, si dhe për shkak të parashkrimit të ndjekjes penale
- Në procedimet penale të pushuara
 Është **pushuar** **0** persona nën hetim, nga të cilët **0** kanë qënë të arrestuar.
- Gjatë vitit 2019, janë **pezulluar** gjithsej **32** procedime penale, të gjitha këto për shkak se nuk është bërë e mundur të zbulohet autori i veprës penale.

- Gjatë vitit **2019**, janë **transferuar** gjithsej 7 procedime penale, me **4** persona nën hetim.
- Në vitin 2019, janë **dërguar për gjykim** gjithsej **68** procedime penale, me **57** persona të pandehur. Ndër të pandehurit, **14** prej tyre kanë qenë me masë sigurimi arrest në burg, kurse pjesa tjetër janë ndjekur me masa të ndryshme sigurimi.

✚ *Krahasuar me vitin 2018, në vitin 2019 janë përfunduar nga prokurorët rreth 90 çështje penale më shumë. Konkretisht, për vitin 2018 janë marrë 184 vendimmarrje, ndërsa në vitin 2019 janë 282 vendimmarrje. Kjo e dhënë reflekton intensitetin me të lartë të punës së Prokurorëve dhe mangësitë në organikë.*

Grafiku për vitet 2019 dhe 2018



	Vendimarrje		
Viti 2018	184		
Viti 2019	282		

Të dhëna në lidhje me njoftimet për veprat penale

Në çështjet për të cilat është ushtruar ndjekja penale gjatë vitit **2019**, janë hetuar gjithsej **230** procedime penale, nga të cilët **57** persona **të pandehur** dhe **4** persona **nën hetim**. Ndër personat e hetuar **14** persona janë hetuar me masën e sigurimit **arrest në burg**, kurse të tjerët janë ndjekur me masa të ndryshme sigurimi. Rezulton se në vitin 2019, janë referuar nga nënpunësit publik **37** kallëzime janë paraqitur **18** kallëzime nga shtetasit, **132** referime nga policia e shtetit, nga këto **41** referime me vendngjarje, **1** referime nga Drejtoria e Hetimit Tetimore, **2** referime nga K.L.SH

➤ Të dhëna në lidhje me masat e sigurimit personal.

Për vitin 2019, treguesit e arrestimeve në flagrancë dhe ndalimeve, të kryer ndaj shtetasve të dyshuar për kryerjen e veprave të ndryshme penale, paraqiten si më poshtë:

- Janë **arrestuar në flagrancë** nga policia gjyqësore **11** shtetas.
- Janë **ndaluar me iniciativë** nga policia gjyqësore **1** shtetas.
- Është kërkuar nga prokurori caktim mase për **4** shtetas.
 - Eshtë kërkuar në gjykatë vlerësimi i arrestimit në flagrancë apo ndalimit për **12** persona, ndër të cilët gjykata ka vlerësuar të ligjshëm **11**, dhe pranuar kërkesën për caktim mase sigurimi për **4** persona.
 - Për vitin 2019, treguesit e kërkesave të prokurorit për masat kryesore të sigurimit, paraqitet si më poshtë vijon :
- Nga **prokurori** është kërkuar në gjykatë për **14** persona caktimi i masës së sigurimit “**arrest në burg**”, ndërkohë që **gjykata** e ka caktuar këtë masë sigurimi ndaj **12** personave, ndërsa për **2** të tjerë është vendosur masa e sigurimit “**Detyrim për paraqitje në Policinë Gjyqësore**”
- Nga **prokurori** është kërkuar në gjykatë për **1** person caktimi i masës së sigurimit “**arrest në shtëpi**”, ndërkohë që edhe **gjykata** e ka caktuar këtë masë sigurimi ndaj **1** personi,
- Nga **prokurori** është kërkuar për **1** persona caktimi i masës së sigurimit “**detyrim për paraqitjen në policinë gjyqësore**”, ndërkohë që **gjykata** e ka caktuar këtë masë sigurimi ndaj **1** personi.

➤ Treguesit e ekzekutimit të vendimeve gjyqësore të formës së prerë

Gjatë vitit 2019, janë nxjerrë gjithsej **68** urdhëra ekzekutimi. Nga këto **10** urdhëra janë me burgim, **16** me pezullim burgimi, **6** me gjobë, **36** urdhëra të ndryshëm kryesisht shpenzime procedurale, masa mjekësore dhe shuarje masë sigurimi.

➤ Kriminaliteti sipas shtrirjes territoriale

Në procedimet penale të gjykuara gjatë vitit 2019 janë gjykuar **26** shtetas, të cilët janë mbi **18** vjeç (dhe **0** shtetas të mitur). Banues në qytet janë **4** shtetas, ndërsa banues në fshat janë **22** shtetas. Nga të dhënat statistikore rezulton se shtrirjen më të madhe të kriminalitetit e ka Bashkia e Fush - Arrëzit

➤ Kriminaliteti sipas përhapjes së veprave penale dhe tendencave të tyre

Lidhur me gjendjen e kriminalitetit gjatë vitit 2019 është vënë re një rritje fare e lehtë e veprave penale të Kreut të Dytë të Kodit Penal, e konkretisht krime kundër personit **1** çështje me **1** të pandehur, hetuar me masë sigurimi arrest në burg për veprën penale të parashikuar nga neni **76** i K.Penal, neni **130/a** të K.Penal kemi **9** procedime penale ndër këto **5** me arrest në burg dhe **1** arrest shtëpie. Në lidhje me Kreun e Tretë të Kodit Penal, “Veprat penale kundër pasurisë dhe në sferën ekonomike”, janë regjistruar **63** procedime penale me **11** të pandehur. Nga këta **1** të hetuar me masën e sigurimit **arrest në burg**, **137** (regjistruar **6** procedime penale), **186** (regjistruar **28** procedime), për nenin **248** (**13** procedime).

➤ Kriminaliteti sipas strukturës së Kodit Penal (krime-kundërvajtje)

Bazuar në ndarjen e veprave penale sipas kategorizimit të tyre në krime dhe kundërvajtje penale, vlerësoj se krimet paraqesin tendencën më të lartë në vitin 2019 në Rrethin e Pukës. Përgjatë vitit 2019 është hetuar për rreth 12 kundërvajtje penale dhe 125 krime nga procedimet e reja të regjistruara.

➤ Treguesi i efektivitetit në gjykimin dhe dënimin e të pandehurve

Duke përfshirë edhe procedimet e mbartura në gjykim nga vitet e kaluara, gjatë periudhës njëvjeçare prokurorët janë paraqitur për të mbrojtur akuzën në gjykatë për **84** procedime penale, me **92 të pandehur**, nga të cilët **17** janë gjykuar nën masën e sigurimit « **arrest në burg** ». Ka përfunduar gjykimi për **24** procedime penale, me **26** të pandehur, prej të cilëve **7** të arrestuar. Mbeten në gjykim **60** procedime, me **66** të pandehur dhe **10** të arrestuar. Në **0** raste është tërhequr akuza dhe kalimi i akteve prokurorisë.

- **Nuk kemi asnjë rast që është vendosur pafajësi e plotë ose e pjesshme.**

➤ Të dhëna për gjykimet e posaçme

Ndër gjykimet për të cilat ka përfunduar gjykimi në shkallë të parë :

- Me procedurën e **gjyimit të drejtpërdrejtë** janë gjykuar **4** procedime penale me **4** të pandehur.
- Për **17 procedime** penale është zhvilluar **gjykim i shkurtuar me 19 të pandehur**,
- Për **1** procedime penale është zhvilluar gjykimi në **mungesë me 1 të pandehur**,
- **2** procedime janë zhvilluar me procedurën e gjyimit të zakonshëm me **2** të pandehur.

✚ *Në këtë seksion duhet të mbahet në konsideratë se **2 çështje penale i janë dërguar gjykatës për miratim marrëveshje fajësie, ndërsa 0 me kërkesë për miratimin e urdhrit penal. Rrjedhimisht, treguesit e punës së prokurorëve në gjykim janë në nivele më të larta, pavarësisht se kolona e gjykimeve të drejtpërdrejta është 4. Shpjegimi lidhur me këtë fakt është pikërisht aplikimi i alternativave të mësipërme të gjykimeve të posaçme : marrëveshja e fajësie.***

➤ Të dhëna mbi llojet dhe masat e dënimeve

Ndër personat e deklaruar fajtorë në gjykimin në shkallën e parë :

- Nga prokurori është kërkuar dënimi me burgim për **9** raste, ndërsa gjykata ka dhënë në **7** raste dënim me burgim.
- Nga prokurori është kërkuar dënimi me gjobë për **3** raste, ndërsa nga gjykata është caktuar dënimi me gjobë për **3** raste.
- Për **14** prej të dënuarve nga prokurori është kërkuar aplikimi i dënimit me kusht, ose punë në interes publik, ndërkohë që gjykata e ka aplikuar këtë dënim në **16** raste.

➤ Të dhëna sociale dhe demografike për të pandehurit

- Në procedimet penale të gjykuara gjatë vitit 2019 janë gjykuar **26** shtetas, të cilët janë mbi 18 vjeç (dhe 0 shtetas të mitur).
- Nga këta **26** janë meshkuj dhe **0** janë femra.
- Në lidhje me arsimin deri në nëntë klasë janë **15** shtetas. Me arsim të mesëm janë **9** shtetas dhe me arsim të lartë janë **2** shtetas.
- Nëpunës janë **1** shtetas. Të punësuar në sektorin privat janë **5** shtetas. Të papunë janë **22** shtetas.
- Banues në qytet janë **4** shtetas, ndërsa banues në fshat janë **22** shtetas.
- Përsëritës të të njëjtës veprë penale, janë **4** shtetas. Te pa denuar penale janë **22** shtetas.

➤ Të dhëna për pasojat e veprave penale

Aktualisht, në Prokurorinë pranë Gjykatës së Shkallës së Parë Pukë nuk ka një regjistër të posaçëm apo praktikë dokumentare lidhur me regjistrimin e pasojave të veprave penale. Duke përjashtuar veprat penale formale, për të cilat nuk është e nevojshme ardhja e pasojës, por kryerja e një veprimi apo mosveprimi në kundërshtim me ligjin penal, në rastet e veprave penale materiale, nisur edhe nga përhapja e gjerë në rrethin Pukë, ato që shkaktojnë pasoja, janë kryesisht veprat penale të “Vjedhjes” të llojeve të ndryshme, të cilat i shkaktojnë këto pasoja në drejtim të pasurisë së individëve apo personave juridikë apo publikë. Do të evidentoja si me rëndësi edhe pasojat e shkaktuara nga veprat penale të kryera kundër shëndetit të personit apo nga shkeljet e rregullave të qarkulimit rrugor, të konfirmuara me aktet përkatëse mjeko-ligjore.

II. Të dhëna lidhur me marrëdhëniet juridiksionale me autoritetet e huaja

➤ Ekstradime, Letërporosi, Transferime procedimesh, Transferime të dënuarish, Shpalljet/Heqjet nga kërkimi ndërkombëtar

- Gjithsej, gjatë vitit 2019 janë dorëzuar në Gjykatën e Shkallës Pare Pukë, **0** kërkesa për ekstradim për jashtë shtetit.
- Letërporosi për jashtë shtetit janë dërguar **1** kërkesë.
- Letërporosi nga jashtë shtetit gjithsej **0** kërkesa.
- Njohje e vendimeve penale të huaja gjithsej **0** vendime.
- Transferim procedimi **0** rast
- Shpallje në kërkim ndërkombëtar **0** shtetas
- Heqje nga kërkimi ndërkombëtar **0** shtetas

III. Të dhëna për ngarkesën e punës për çdo prokuror dhe oficer të policisë gjyqësore

Gjatë vitit 2019, treguesit e përgjithshëm të volumit dhe cilësisë së punës së kryer nga prokurorët, duke përfshirë edhe çështjet e mbartura nga vitet e kaluara, paraqiten si më poshtë :

	Elidjana Kasa	A.Bramo per 6 muaj komandim
Mosfillime	29	20
Pezullime	24	8
Pushime	98	25
Derguar per gjykim	55	13
Transferuar	6	1
TOTALI	212	67

Gjatë vitit 2019, treguesit e përgjithshëm të volumit dhe cilësisë së punës së kryer nga Oficerët e policisë gjyqësore, duke përfshirë edhe çështjet e mbartura nga vitet e kaluara, paraqiten si më poshtë :

- **O.P.Gj. Hasan Hasani**, gjithsej ka trajtuar 88 materiale hetimore, nga te :
- Mosfilluar – 3 materiale.
 - Pezulluar - 25 procedime penale.
 - Pushuar - 32 procedime penale,
 - Per gjykim - 37 procedime penale,
 - Transferuar - 3 procedime penal.
 - Bashkuar – 0 procedim penal.
 - Ne hetim – 12 procedime penale.

✚ *Krahasuar me vitin 2018, ky oficer ka hetuar 15 materiale hetimore më shumë në vitin 2019.*

IV. Informacion mbi administrimin e Prokurorisë

Gjatë vitit 2019 personeli administrativ i kësaj prokurorie i ka kryer me korrektesë detyrat përkatëse, duke qenë një mbështetje e rëndësishme për prokurorët dhe oficerët e policisë gjyqësore në përballimin e ngarkesës në punë dhe krijimin e raporteve korrekte me qytetarët, të cilëve u ofrohen shërbime administrative nga ana e Prokurorisë. Gjatë vitit 2019, buxheti financiar i Prokurorisë së Rrethit Gjyqësor është administruar me rigorozitet dhe si pasojë e disiplinës financiare dhe ndihmës gjithëvjetore nga Prokuroria e Përgjithshme për zëra të veçantë të tij, nga ana e kësaj Prokurorie janë likuiduar pothuajse të gjitha detyrimet ndaj subjekteve të tjerë, ato për shpenzimet procedurale, të pagesës së mbikohës së punës etj. Megjithatë, vlerësoj se ky buxhet duhet të rishikohet në të ardhmen për shtimin e tij në zëra të veçante për një mbarëvajtje më të mirë të punës, duke u nisur nga fakti që nga viti në vit shtohet ngarkesa e punës dhe për rrjedhojë dhe nevojat financiare. Në cilësinë e Drejtuesit të Prokurorisë vlerësoj se marrëdhëniet me median dhe publikun kanë qenë korrekte. Nga ana e Prokurorisë është shprehur gatishmëria për të dhënë informacion subjekteve të interesuar në çdo rast që është gjykuar se nuk cenohen hetimi dhe veprimet procedurale përkatëse. Në respektim edhe të normave Kushtetuese është respektuar e drejta për informim e subjekteve të ndryshme. Në rast të refuzimit të kërkesave për informacione lidhur me çështje konkrete, ato janë argumentuar bazuar në normat procedurale penale mbi ruajtjen e sekretit hetimor. Lidhur me administrimin e dokumentacionit të Prokurorisë, konstatoj se jo vetëm regjistrat, por i gjithë dokumentacioni që administrohet në Prokurori mbahet dhe ruhet rregullisht. Lidhur me mbajtjen e regjistrave, në Prokurori ushtron veprimtarinë punonjësi i ngarkuar posaçërisht me detyrën e mbajtjes së tyre dhe deri më tani nuk konstatohen problematika. Përgjatë vitit 2019, vlerësoj se kapacitetet infrastrukturore kanë qenë të mjaftueshme me qëllim realizimin e aktivitetit të Prokurorisë. Megjithatë, kjo çështje meriton një vëmendje të veçantë në varësi edhe të organikës së Prokurorisë apo nevojave për të kryer detyra të caktuara. Sa i përket sigurisë, kjo realizohet nëpërmjet shërbimeve private të ruajtjes fizike, për të cilat çdo vit organizohet procedura përkatëse e prokurimit në përputhje me ligjin për prokurimin publik nga Gjykata, pasi jemi në një godinë me Gjykatën. Nuk rezulton të ketë pasur problematika lidhur me sigurinë, megjithatë, ashtu siç jam shprehur edhe në raporte të viteve paraardhëse, nisur nga natyra e veprimtarisë së Prokurorisë, vlerësoj se do të ishte e përshtatshme që siguria të garantohej nga shërbimet e policisë të Drejtorisë së Policisë. Përgjatë vitit 2019 vlerësoj se përgjithësisht është respektuar disiplina në punë dhe etika nga prokurorët, oficerët dhe punonjësit e administratës.

V. Drejtimit dhe përparësitë në luftën kundër kriminalitetit për vitin 2019. Rekomandime

Nga analiza në tërësi e elementëve që u përmendën më lart, paraqesim përfundimet dhe rekomandimet që mendojmë se i do i shërbejnë punës së mëtejshme të Prokurorëve dhe oficerëve të policisë gjyqësore të Prokurorisë pranë Gjykatës së Shkallës së Parë Pukë :

- Përfundimi më i rëndësishëm i analizës së mësipërme është konstatimi i faktit të rritjes së vazhdueshme të ngarkesës efektive të Prokurorëve të Prokurorisë pranë Gjykatës së Shkallës së Parë Puke përgjatë vitit 2019. Në tërësi ngarkesa efektive në hetim ka qenë 299 materiale hetimore, ngarkesë kryesisht e mbuluar nga 2 prokurorët Elidjana Kasa, Drejtuese e Prokurorisë dhe Alma Brama, Prokurore e komanduar për një periudhë 6 mujore si dhe kemi në organikë 1 oficerë të policisë gjyqësore në seksionit të Prokurorisë.

Me plotësimin e organikës të prokurorëve të kësaj Prokurorie, nga ana tjetër kjo do të ndihmonte në realizimin e objektivave të mëposhtme :

- Përfundimi në një afat sa më të shkurtër i procedimeve penale të mbartura nga vitin 2019 dhe vitet e kaluara.
- Vazhdimi i ndjekjes me përparësi të procedimeve penale në fushën e krimit ekonomik dhe abuzimit me detyrën nga nëpunësit shtetërorë, në fushën e veprave penale kundër jetës së personit dhe moralit, pasurisë, rendit dhe sigurisë etj.
- Intensifikimi i përpjekjeve nga prokurorët për të bërë të mundur rritjen e treguesve të zbulueshmërisë së veprave penale me rrezikshmëri të lartë shoqërore dhe marrjen në përgjegjësi penale të subjekteve përkatëse, si pastrimin e produkteve të veprës penale, vjedhjet etj, të cilat janë më të ndjeshme për shoqërinë tonë.
- Rritja e funksionit drejtues dhe kontrollues të prokurorit ndaj policisë gjyqësore, në seksionin dhe shërbimet e policisë gjyqësore.
- Përmirësimi i organizimit, drejtimit dhe kontrollit të punës brenda organit, me qëllim për t'iu përgjigjur më mirë kërkesave për rritjen e cilësisë së punës.
- Respektimi nga prokurorët dhe oficerët e policisë gjyqësore i detyrimeve të ligjit procedural penal, urdhërave dhe udhëzimeve të Prokurorit të Përgjithshëm dhe atyre të Këshillit të Lartë të Prokurorisë.
- Rritja e profesionalizimit të prokurorëve në hetimin paraprak, në marrjen e vendimeve përfundimtare, në paraqitjen e kërkesave para gjyqtarit të seancës paraprake dhe në mbrojtjen e akuzës në gjykim si dhe ruajtjen e etikës dhe disiplinës në punë.

HARTOI:

DREJTUESI I PROKURORISË

